

Governu timoroan hahú apresia lejislasaun ba ratifikasaun tratadu ho Austrália - Notícias SAPO

09 de Julho de 2019, 00:19

Iha loron-segunda ne'e, Governu timoroan hahú apresia, iha reuniaun extraordináriu hosi Konsellu Ministru, mudansa lejislativu oioin ne'ebé presiza hodi ratifika tratadu fronteira permanente sira ho Austrália.



"Ami hahú rona apresentasaun kona-ba mudansa sira. Ne'e sei halo nafatin iha loron hirak tuirmai", hatete hosi Agio Pereira, ministru Estadu iha Prezidénsia Konsellu Ministru sira nian, ba Lusa.

Pakote hosi mudansa lejislativu sira ne'ebé Governu timoroan sie halo ba ratifikasaun hosi Tratadu Fronteira Tasi nian ho Austrália inklui mudansa hodi "proteje" Fundu Petrolíferu.

Hosi pakote sira ne'e inklui dekretu-lei oioin ne'ebé presiza hodi enkuadra kontratu foun sira hodi fahe produsaun ba posu sira iha Tasi Timor, mudansa sira ba rejimi tributáriu ho mudansa sira hodi adapta lei serbisu nian no migrasaun nian iha área petrolíferu.

Iha kauza maka dekretu-lei sira, ne'ebé hafoin aprova iha Konsellu Ministru tenki promulga hosi Prezidente Repúblika no diploma sira seluk, inklui mudansa ba lei sira ne'ebé halo daudaun, ne'ebé tenki liu hosi parlamentu antes ba xefe Estadu.

Hanesan pakote lejislativu boot ne'ebé Governu hakarak hetan promulgasaun no hala'o antes loron 30 Agosto, hodi nune'e, iha loron ne'ebé selebra tinan 20 hosi referendu indepedénsia Timor-Leste nian, bele ratifika tratadu formalmente.

Hamutuk ho prosesu ne'ebé halo iha Timor-Leste, halo hela prosesu lejislativu hanesan iha parlamentu australianu.

Atu bele akontese ratifikasaun, presiza aprova mudansa oioin ba diploma sira hanesan Lei Fundu Petrolíferu nian, Lei Atividade Petrolíferu, Lei Tributáriu ho Lei Timor Gap, aleinde mudansa sira seluk.

Lusa